



Mehanizam za međunarodne krivične sudove ("MMKS" ili "Mehanizam") osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu ("MKSR") i Međunarodnog krivičnog suda za bivšu Jugoslaviju ("MKSJ") nakon okončanja njihovih mandata.

PODACI O PREDMETU

Trenutno je u bjekstvu osam osoba protiv kojih je MKSR podigao optužnice za učesće u genocidu u Ruandi 1994. godine. Mehanizam ima nadležnost nad sljedećom trojicom optuženih: Augustinom Bizimanom, Félicienom Kabugom i Protaisom Mpiranyom. Vlastima u Ruandi proslijedeni su predmeti protiv preostalih pet bjegunaca: Fulgencea Kayisheme, Charlesa Sikubwabo, Aloya Ndimbatija, Ryandikayoa i Phénéasa Munyarugame. Još jedan bjegunac čiji je predmet proslijeden u Ruandu, Ladislas Ntaganzwa, uhapšen je u Kongu 9. decembra 2015.

MICT-13-38

BJEGUNAC - FÉLICIEEN KABUGA



Félicien Kabuga je bio predsjednik Privremenog odbora Fonda nacionalne odbrane (*Comité Provisoire of the Fonds de défense nationale*) približno od 25. aprila 1994. do jula 1994. i predsjednik Upravnog odbora *Radio Télévision Libre des Mille Collines* (RTLM) u vrijeme kada su počinjeni zločini navedeni u optužnici.

Godina i mjesto rođenja

1935, sektor Munig, okrug Mukarange, prefektura Byumba, Ruanda

Optužnica

Važeća optužnica podignuta 14. aprila 2011.

Status predmeta

U bjekstvu od 26. novembra 1997.

ISTORIJAT POSTUPKA

OPTUŽNICA

Félicien Kabuga je optužen pred MKSR-om za genocid, saučesništvo u genocidu, direktno i javno poticanje na vršenje genocida, pokušaj vršenja genocida, udruživanje radi vršenja genocida i zločine protiv čovječnosti počinjene u Ruandi od 6. aprila do 17. jula 1994.

Prema navodima optužnice, Kabuga je, zajedno s više drugih pojedinaca, koristio RTLM za raspirivanje etničke mržnje između Hutua i pojedinaca identifikovanih kao Tutsi, kao i za širenje poruka usmjerenih protiv Tutsija s ciljem vršenja gore navedenih zločina. Dalje se tvrdi da je Kabuga instruirao, pomagao i poticao pripadnike *interahamwea* koji su učestvovali u ubijanju i nanošenju povreda osobama identifikovanim kao Tutsi u Kigali Ville, sektor Kimironko, prefekturama Kigali, Kibuye i Gisenyi.

Dalje se navodi da je Kabuga osnovao, zajedno s određenim drugim osobama, Fond nacionalne odbrane kako bi se prikupila sredstva kako bi se pripadnicima *interahamwea* pružila finansijska i logistička pomoć u ubijanju i nanošenju povreda Tutsima. Takođe se navodi da je Kabuga, zajedno s određenim drugim osobama, planirao, formirao i finansirao militantnu grupu poznatu kao Kabugine *interahamwe* u sektoru Kimironko, Kigali, radi raspirivanja etničke mržnje između Hutua i Tutsija u sektoru Kimironko s ciljem vršenja genocida nad osobama identifikovanim kao Tutsiji. Dalje se navodi da je Kabuga ohrabrivao zločine, podsticao na genocid ili davao huškačke izjave na raznim sastancima održanim na različitim lokacijama u Ruandi u periodu od februara ili marta 1994. do maja 1994.



U optužnici se dalje navodi da je radio stanica RTL, koju je finansirao Kabuga, direktno i javno poticala na vršenje genocida emitovanjem sadržaja kojima su osobe jasno identifikovane kao Tutsiji, otkrivano je gde se nalaze, opisivani su kao neprijatelji i pozivalo se na njihovu eliminaciju.

U optužnici se navodi da su se tokom tog perioda širom Ruande vodili rasprostranjeni i/ili sistematski napadi na civilno stanovništvo na osnovu njihove etničke pripadnosti narodu Tutsi. Tokom tih napada, neki stanovnici Ruande su lišili života ili nanijeli teške tjelesne povrede osobama koje su smatrane Tutsima.

Optužnica sadrži sljedeće optužbe:

Jedna tačka za genocid (tačka 1)

Jedna tačka za saučesništvo u genocidu (tačka 2)

Jedna tačka za direktno i javno poticanje na vršenje genocida (tačka 3)

Jedna tačka za pokušaj vršenja genocida (tačka 4)

Jedna tačka za udruživanje radi vršenja genocida (tačka 5)

Dvije tačke za zločine protiv čovječnosti

- Progoni (tačka 6)
- Istrebljivanje (tačka 7)

PRENOS PREDMETA NA MMKS

Dana 1. augusta 2012., predmetni spis Féliciena Kabuge predat je tužilaštvu MMKS-a.

Dana 29. aprila 2013., sudija Vagn Joensen, sudija-pojedinac, izdao je nalog za hapšenje i nalog za prebacivanje kojima se od svih država UN-a traži da lociraju, uhapse i prebace Kabugu u nadležnost ogranka MMKS-a u Arushi, gdje će Kabuga biti pritvoren u Pritvorskoj jedinici UN-a.

U skladu s Rezolucijom Savjeta bezbjednosti 1966 (2010), sve države imaju obavezu da saraduju s MMKS-om na lociranju, hapšenju, pritvaranju, predaji i prebacivanju optuženih koji su još u bjekstvu.